



Mikivsuk Thomassen
Inatsisartuni ilaasortaq, Inuit Ataqatigiit

§ 37 naaportorlugu apeqquutip nr. 225/2019-ip akineqarnera - timelærerinut tunngatillugu

25-07-2019
Suliap normua
Allakkat nr. 10941081

Postboks 1029
3900 Nuuk
Oqarasuaat: : +299 34 50 00
Email: ikin@nаноq.gl
www.nanoq.gl

Asasara Mikivsuk Thomassen,

Inatsisartut suleriaasiat naaportorlugu apeqquutinnut qujanaq. Apeqquutigineqartut tullinnguuttuni akissuteqarfigissavakka.

Aallaqqaasiutigalugu apeqquutigisavit kingusinaartumik akissuteqarfigineqarnera sulisut aasaanerani sulinnigfeqarneranik patsiseqartoq utoqqatsissutigissavara.

1. Naalakkersuisut meeqqat atuarfianni ukiut qulit sinnerlugit timelæreritut sulisimasut qanoq amerlatiginersut kisitsisaatigaat?

Akissut: Timelærerit kommunini qanoq sivisutigisumik atorfeqartarsimanerisa naatsorsorneqarneri Naalakkersuisunit massakkuugallartoq paasissutissaatigineqanngillat. Naalakkersuisulli § 37 naaportorlugu apeqquutip nr. 125 2018-imeersoq innersuutissavaat, akissummi tassani ilisimatitsissutigineqarmat timelærerit piginnaasaat qulaajarneqassasut, timelærerit suliassaminnut piginnaasaasa siunissami qaffassarneqarnissaanut atugassatut. Taamatulli qulaajaanissaq sulisussaaleqineq patsisigalugu unitsikkallarneqarsimavoq. Naalakkersuisulli naatsorsuutigaat suliaq pineqartoq ukiap ingerlanerani aallartinneqaqqissinnaassasoq.


2. Meeqqat atuarfianni ukiut qulit sinnerlugit timelæreritut sulisimasut immikkut ittumik najugarisaq qimannagu ilinniartitsisunngorniarsinnaalissappata suut aqutissaappat?

Akissut: Najugaq qimannagu ilinniartitsisunngorniarsinnaasagaanni ilinniarnertuunngorniarmimmi naammassisimanissaq piumasaqaataavoq. Taamaattorli qinnuteqartup ilinniarnertuunngorniarmimmi nammassinnissimanissaanik piumasaqaat eqqarsaatigalugu qinnuteqartoq allamik ilinniagaqarsimappat immikkut akuerineqarsinnaalernikuuvoq. Qitiusumik ilinniartitsisunngorniarnepup najugaq qimannagu ingerlanneqarsinnaanerani ilinniartitsisunngorniarnepup piffissaq nammineq atortariaqagaq naaportorlugu ingerlanneqarsinnaanissaa siunertaavoq. Taamaattumik qulaajaanissami siunertarineqartut ilagaat siunissami periarfissat pisariaqartitallu qulaajarneqarnissaat.

a. Qaqorlu tamanna piviusunnussappat immikkut
aningsaleeqqittariaqarnermik kinguneqassava?

Akissut: Timelæerit ilinniarsimassutsikkut inissisimanerat kiisalu ilinniaqqinnissamut periarfissaat kissaataallu massakkut misissoqqissaarneqaleruttorput. Tamannalu timelæerit assigiinngitsunik aallaaveqarnerinik patsiseqarpoq timelæerillu ilinniaqqinnissamut assigiinngitsunik kissaateqarlutillu pisariaqartitsinerat nassuerutigalugu. Misissueqqissaarneq naammassereerpat timelæerit piginnaanngorsaqqinnissaanut aningaasartuutissat aatsaat missingerneqarsinnaalissapput.

Inussiarnersumik inuulluaqqusillunga



Ane Lone Bagger